

«ՍՏԵՓԱՆ ԳԻՇՅԱՆ»
ԲԱՐԵԳՈՐԾԱԿԱՆ ՀԻՄՆԱԴՐԱՄ

2025թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ
ԵՎ ԱՅԴ ԱՄՍԱԹՎԻՆ ԱՎԱՐՏՎԱԾ ՏԱՐՎԱ
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ
ԵՎ
ԱՆԿԱԽ ԱՌԴԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

Բովանդակություն

| | |
|--|----|
| Անկախ աուդիտորական եզրակացություն | 3 |
| Ֆինանսական հաշվետվություններ | |
| Ֆինանսական վիճակի մասին հաշվետվություն | 6 |
| Ֆինանսական արդյունքների մասին հաշվետվություն | 7 |
| Սեփական կապիտալում փոփոխությունների մասին հաշվետվություն | 8 |
| Դրամական հոսքերի մասին հաշվետվություն | 9 |
| Ֆինանսական հաշվետվություններին կից ծանոթագրություններ | 10 |

ԱՆԿԱՆ ԱՈՒԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

Ներկայացվում է «Ստեփան Գիշյան» բարեգործական հիմնադրամի հոգաբարձուների խորհրդին

Կարծիք

Մենք աուդիտի ենք ենթարկել «Ստեփան Գիշյան» բարեգործական հիմնադրամի (Հիմնադրամ) կից ներկայացված ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31-ը դեկտեմբերի 2025թ., այդ ամսաթվին ավարտված տարվա համար ֆինանսական արդյունքների մասին, սեփական կապիտալում փոփոխությունների մասին և դրամական հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման քաղաքականության նշանակալի մասերի վերաբերյալ համառոտագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Հիմնադրամի ֆինանսական վիճակը 2025թ. դեկտեմբերի 31-ի դրությամբ, ինչպես նաև այդ ամսաթվին ավարտված տարվա ֆինանսական արդյունքները և դրամական հոսքերը՝ համաձայն փոքր և միջին կազմակերպությունների ֆինանսական հաշվետվությունների միջազգային ստանդարտի (ՓՄԿ-ների ՖՀՄՄ):

Կարծիքի հիմք

Մենք աուդիտն իրականացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակած Պրոֆեսիոնալ հաշվապահի էթիկայի կանոնագրի (ՀԷՄՍԿ կանոնագիրը) և պահպանել ենք էթիկայի այլ պահանջները՝ համաձայն ՀՄԷՍԿ կանոնների: Համոզված ենք, որ ձեռք ենք բերել բավարար ու համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Հիմնադրամի ղեկավարությունը պատասխանատու է ՓՄԿ-ների ՖՀՄՄ-ի համաձայն ֆինանսական հաշվետվությունների պատրաստման և ճշմարիտ ներկայացման, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Հիմնադրամի անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Հիմնադրամը լուծարելու կամ Հիմնադրամի գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՍ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- եզրահանգում ենք ղեկավարության կողմից հաշվապահական հաշվառման անընդհատության սկզբունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որոնք կարող են նշանակալի կասկած հարուցել Հիմնադրամի անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա դեպքերը կամ իրավիճակները կարող են ստիպել Հիմնադրամին դադարեցնել անընդհատության սկզբունքի կիրառումը:
- գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

**«Ալբերտ Գիշյան» բարեգործական հիմնադրամ
Ֆինանսական վիճակի մասին հաշվետվություն
2025թ. դեկտեմբերի 31-ին դրությամբ**

| ‘000 դրամ | <u>Ծանոթ.</u> | <u>31/12/25</u> | <u>31/12/24</u> |
|--|---------------|-----------------|-----------------|
| Ակտիվ | | | |
| Ոչ նյութական ակտիվներ | 6 | 182 | 295 |
| Հետաձգված հարկային ակտիվներ | 16 | 3 | 3 |
| Ընդամենը ոչ ընթացիկ ակտիվներ | | 185 | 298 |
| | | | |
| Կանխավճարներ դրամաշնորհների և ծառայությունների համար | 9 | 10,427 | 4,967 |
| Այլ ընթացիկ հարկային ակտիվներ | | 10 | 7 |
| Դրամական միջոցներ | 7 | 3,651 | 522 |
| Ժամկետային ավանդներ | 8 | 451,506 | 442,163 |
| Ընդամենը ընթացիկ ակտիվներ | | 465,594 | 447,659 |
| Ընդամենը ակտիվներ | | 465,779 | 447,957 |
| | | | |
| Սեփական կապիտալ և պարտավորություններ | | | |
| Կուտակված շահույթ | 10 | 266,984 | 238,515 |
| Ընդամենը սեփական կապիտալ | | 266,984 | 238,515 |
| | | | |
| Ոչ ընթացիկ շնորհներ | 11 | 175,719 | 183,064 |
| Ընդամենը ոչ ընթացիկ պարտավորություններ | | 175,719 | 183,064 |
| | | | |
| Շահութահարկի գծով ընթացիկ հարկային պարտավորություն | 16 | 6,591 | 6,594 |
| Աշխատավարձի և այլ կարճ. հատուց-ի գծով պարտ-թյուններ | | 16 | 16 |
| Ընթացիկ շնորհներ | 11 | 16,469 | 19,769 |
| Ընդամենը ընթացիկ պարտավորություններ | | 23,076 | 26,379 |
| Ընդամենը սեփական կապիտալ և պարտավորություններ | | 465,779 | 447,957 |

Տնօրեն

Գլխավոր հաշվապահ



Աննա Գիշյան

Վահան Աբրահամյան

**«Արեփան Գիշյան» բարեգործական հիմնադրամ
Ֆինանսական արդյունքների մասին հաշվետվություն
2025թ. դեկտեմբերի 31-ին ավարտված տարվա համար**

| ‘000 դրամ | Ծանոթ. | 2025 | 2024 |
|-------------------------------|--------|---------------|---------------|
| Դրամաշնորհներից եկամուտ | 12 | 10,645 | 4,744 |
| Դրամաշնորհներից ծախս | 12 | (10,645) | (4,744) |
| Իրացման ծախսեր | | (12) | (12) |
| Վարչական ծախսեր | 13 | (3,270) | (3,272) |
| Այլ եկամուտներ և ծախսեր | 14 | (828) | (852) |
| Ֆինանսական եկամուտներ | 15 | 39,169 | 39,537 |
| Շահույթ մինչև հարկումը | | 35,059 | 35,401 |
| Շահութահարկի գծով ծախս | 16 | (6,590) | (6,593) |
| Զուտ շահույթ | | 28,469 | 28,808 |

Տնօրեն

Գլխավոր հաշվապահ



Աննա Գիշյան

Վահան Աբրահամյան

**«Արեւիկան Գիշան» բարեգործական հիմնադրամ
Սեփական կապիտալում փոփոխությունների մասին հաշվեփոխություն
2025թ. դեկտեմբերի 31-ին ավարտված տարվա համար**

‘000 դրամ

| | Ծանոթ | Կուտակված շահույթ | Ընդամենը |
|---|--------------|------------------------------|-----------------|
| Մնացորդը առ 31 դեկտեմբերի 2023թ. | 10 | 209,707 | 209,707 |
| Ջուտ շահույթ | | 28,808 | 28,808 |
| Մնացորդը առ 31 դեկտեմբերի 2024թ. | | 238,515 | 238,515 |
| Ջուտ շահույթ | | 28,469 | 28,469 |
| Մնացորդը առ 31 դեկտեմբերի 2025թ. | | 266,984 | 266,984 |

**«Ալբեֆան Գիշյան» բարեգործական հիմնադրամ
Դրամական հոսքերի մասին հաշվետվություն
2025թ. դեկտեմբերի 31-ին ավարտված տարվա համար**

| <i>000 դրամ</i> | <i>Ծանոթ.</i> | <i>2025</i> | <i>2024</i> |
|---|---------------|-----------------|-----------------|
| Գործառնական գործունեությունից դրամական հոսքեր | | | |
| ստացված դրամաշնորհներից | 11,12 | - | 50 |
| տրված նվիրաբերությունների հետ վերադարձ | | 3,653 | 5,163 |
| աշխատանքների, ծառայությունների ձեռք բերումից | | (715) | (1,040) |
| աշխատակիցներին և նրանց անունից կատարված վճարումից | | (3,272) | (3,287) |
| շահութահարկի վճարումից | | (6,594) | (7,083) |
| տրված նվիրաբերություններից | | (19,769) | (12,935) |
| Գործառնական գործունեությունից դրամական զույգ հոսքեր | | (26,697) | (19,132) |
| Ներդրումային գործունեությունից դրամական հոսքեր | | | |
| տոկոսների ստացումից | 8 | 38,826 | 43,411 |
| ավանդների մարումից | 8 | 412,000 | 391,000 |
| ավանդների ներդրումից | 8 | (421,000) | (417,000) |
| Ներդրումային գործունեությունից դրամական զույգ հոսքեր | | 29,826 | 17,411 |
| Ֆինանսական գործունեությունից դրամական հոսքեր | | | |
| Ֆինանսական գործունեությունից դրամական զույգ հոսքեր | | - | - |
| Ընդամենը դրամական զուտ հոսքեր | | 3,129 | (1,721) |
| Դրամական միջոցների մնացորդը առ 1 հունվարի | | 522 | 2,243 |
| Դրամական միջոցների մնացորդը առ 31 դեկտեմբերի | | 3,651 | 522 |

Տնօրեն

Գլխավոր հաշվապահ



Աննա Գիշյան

Վահան Աբրահամյան

1. Ընդհանուր տեղեկություններ

1.1. Նկարագիր և գործունեություն

«Արեւիկան Գիշյան» բարեգործական հիմնադրամը (այսուհետ նաև՝ Հիմնադրամ) ստեղծվել է 2015թ. հոկտեմբերի 23-ին, ԱԿԲԱ-ԿՐԵԴԻՏ ԱԳՐԻԿՈՒԼ ԲԱՆԿ ՓԲԸ (ներկայումս ԱԿԲԱ ԲԱՆԿ ԲԲԸ)-ի, Ֆրանսիական ԿՐԵԴԻՏ ԱԳՐԻԿՈՒԼ էսէյ բանկի, ԿՐԵԴԻՏ ԱԳՐԻԿՈՒԼ Ազգային ֆեդերացիայի և Սամսոն Գիշյանի կողմից:

Հիմնադրամի հիմնական նպատակն է նպաստել հայ-ֆրանսիական հարաբերությունների զարգացմանը, Հայաստանի Հանրապետության սոցիալ-տնտեսական, գիտական, կրթական, մշակութային և առողջապահական համակարգերի զարգացմանը:

Աշխատակիցների ցուցակային թվաքանակը 2025թ. 2 անձ է և 2024թ.՝ 2:

Հիմնադրամի իրավաբանական հասցեն է՝ ք.Երևան, Գայի պողոտա 16/46, որտեղ տեղակայված է Հիմնադրամի վարչական գրասենյակը:

Հիմնադրամի հիմնադիրներն են ԱԿԲԱ-ԿՐԵԴԻՏ ԱԳՐԻԿՈՒԼ ԲԱՆԿ ՓԲԸ (ներկայումս ԱԿԲԱ ԲԱՆԿ ԲԲԸ), Ֆրանսիական ԿՐԵԴԻՏ ԱԳՐԻԿՈՒԼ էսէյ բանկը, ԿՐԵԴԻՏ ԱԳՐԻԿՈՒԼ Ազգային ֆեդերացիան և Սամսոն Գիշյանը:

1.2. Կառուցվածք և կառավարում

Հիմնադրամի կառավարման բարձրագույն մարմինը Հիմնադրամի հոգաբարձուների խորհուրդն է, որն ունի Հիմնադրամի կառավարման և գործունեության ցանկացած հարցի վերջնական լուծման իրավունք: Հիմնադրամի հոգաբարձուների խորհրդի անդամները հինգն են՝ Հակոբ Անդրեասյան (հոգաբարձուների խորհրդի նախագահ), Ստյոպա Ջաքիսյան, Թոմաս Գրոհ, Ֆիլիպ Լեոնարդ, Հրայր Ասլանյան:

Հիմնադրամի ընթացիկ գործունեության ղեկավարումն իրականացնում է տնօրենը:

2. ՓՄԿ-ների ՖՀՄՍ-ին համապատասխանությունը

Ֆինանսական հաշվետվությունները պատրաստվել են Հաշվապահական հաշվառման միջազգային ստանդարտների խորհրդի կողմից հրապարակված Փոքր և միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՍ) համապատասխան:

Սույն ֆինանսական հաշվետվությունները Հիմնադրամի՝ ՓՄԿ-ների ՖՀՄՍ-ով առաջին ֆինանսական հաշվետվություններն են: Հիմնադրամը ներկայացրել է իր նախորդող ամենավերջին ֆինանսական հաշվետվությունները ամբողջական ՖՀՄՍ-ներին համապատասխան:

ՓՄԿ-ների ՖՀՄՍ-ին անցնելու ամսաթիվը, այսինքն ՓՄԿ-ների ՖՀՄՍ-ի համաձայն Հիմնադրամի վարվող հաշվապահական հաշվառման սկզբնակետը, 2024թ. հունվարի 1-ն է:

2024թ. համադրելի տեղեկատվությունը ճշգրտվել է ՓՄԿ-ների ՖՀՄՍ-ի պահանջներին համապատասխան:

ՓՄԿ-ների ՖՀՄՍ-ին անցման վերաբերյալ ներկայացված է ծանոթագրություն 21-ում:

3. Ֆունկցիոնալ և ներկայացման արժույթը

«Արժույթը ՀՀ դրամն է, որը Հիմնադրամի ֆունկցիոնալ և ներկայացման արժույթն է:

Ֆինանսական տեղեկատվությունը ցույց է տրված հազար դրամներով՝ առանց ստորակետից հետո տասնորդական նիշի:

4. Հաշվապահական հաշվառման քաղաքականության նշանակալի մասերի համառոտ նկարագիրը

4.1. Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով: Սովորաբար սկզբնական արժեքը հիմնված է ակտիվի դիմաց տրված հատուցման իրական արժեքի վրա:

4.2. Ոչ նյութական ակտիվներ

Ոչ նյութական ակտիվը սկզբնապես չափվում է սկզբնական արժեքով (ինքնարժեքով):

Սկզբնական ճանաչումից հետո ոչ նյութական ակտիվը հաշվառվում է իր սկզբնական արժեքով (հաշվի առած հետագա ավելացվող ծախսումները)՝ հանած ցանկացած կուտակված ամորտիզացիա և ցանկացած կուտակված արժեզրկումից կորուստ:

Ոչ նյութական ակտիվի (SSL Certificate- Digicert) օգտակար ծառայություն 3 տարի է:

Ամորտիզացիայի հաշվարկման կիրառվող մեթոդը պետք է արտացոլի այն մոդելը, որով Հիմնադրամը սպառում է ակտիվի տնտեսական օգուտները: Հիմնադրամը կիրառում է գծային մեթոդը:

4.3. Ժամկետային ավանդներ

Ժամկետային ավանդները հանդիսանում են Հիմնադրամի հիմնական ֆինանսական ակտիվները և ներառում են բանկերում տեղաբաշխված միջոցները՝ ֆիքսված կամ որոշելի տոկոսային եկամտով:

Ճանաչում. Հիմնադրամը ժամկետային ավանդները ճանաչում է այն ժամանակ, երբ դառնում է համապատասխան պայմանագրային կողմ:

Սկզբնական չափում. Ժամկետային ավանդները սկզբնական ճանաչման պահին չափվում են սկզբնական արժեքով, որը, սովորաբար, հավասար է տրամադրված դրամական միջոցների գումարին:

Դասակարգում. Ժամկետային ավանդները դասակարգվում են որպես ամորտիզացված արժեքով հաշվառվող ֆինանսական ակտիվներ, քանի որ հանդիսանում են պարզ ֆինանսական գործիքներ՝ ֆիքսված կամ որոշելի վճարներով:

Հետագա չափում. Ժամկետային ավանդները հաշվառվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Տոկոսային եկամուտը ճանաչվում է շահույթում կամ վնասում՝ ժամանակաշրջանների ընթացքում:

Արժեզրկում. Հիմնադրամը յուրաքանչյուր հաշվետու ամսաթվի դրությամբ գնահատում է, թե արդյոք առկա են արժեզրկման օբյեկտիվ վկայություններ:

Արժեզրկումը ճանաչվում է միայն այն դեպքում, երբ առկա են նման վկայություններ (կատարված կորուստների մոդել):

Ապաճանաչում. Ժամկետային ավանդները ապաճանաչվում են, երբ ավարտվում են դրանցից առաջացող դրամական հոսքերի նկատմամբ իրավունքները կամ փոխանցվում են բոլոր էական ռիսկերն ու հատույցները:

4.4. Դրամական միջոցներ և դրանց համարժեքներ

Դրամական միջոցներ և դրանց համարժեքներ. Դրամական միջոցները դրամարկղում դրամական միջոցներն են և ցպահանջ ավանդները: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Որպեսզի ներդրումները որակվեն որպես դրամական միջոցների համարժեքներ, դրանք պետք է լինեն ազատ փոխարկելի՝ նախապես հայտնի դրամական գումարներով, և դրանց արժեքի փոփոխման ռիսկը պետք է լինի ոչ նշանակալի: Հետևաբար, ներդրումները սովորաբար դասվում են դրամական միջոցների համարժեքների շարքին միայն այն դեպքում, եթե դրանք ունեն մարման կարճ ժամկետ, օրինակ՝ ձեռքբերման օրվանից երեք ամիս, կամ ավելի քիչ: Բանկային օվերդրաֆտները, որոնք ենթակա են ցպահանջ մարման, կազմում են Հիմնադրամի դրամական միջոցների կառավարման բաղկացուցիչ մասը և, որպես բաղադրիչ, դրամական հոսքերի մասին հաշվետվությունում ներառվում են դրամական միջոցներում և դրամական միջոցների համարժեքներում, իսկ ֆինանսական վիճակի մասին հաշվետվությունում՝ պարտավորություններում:

4.5. Աշխատակիցների կարճաժամկետ հատուցումներ

Երբ աշխատակիցը հաշվետու ժամանակաշրջանի ընթացքում Հիմնադրամին մատուցել է ծառայություն, Հիմնադրամը, աշխատակիցների կարճաժամկետ հատուցումների չզեղչված գումարը, որոնք ակնկալվում է վճարել այդ ծառայության դիմաց, ճանաչում է՝

ա) որպես պարտավորություն՝ արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չզեղչված գումարը, Հիմնադրամը ճանաչում է այդ տարբերությունը որպես ակտիվ՝ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի, և

բ) որպես ծախս, բացառությամբ այն դեպքերի, երբ ՓԼԿ-ների ՖՀՄՄ-ով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ (օրինակ, պաշարների, հիմնական միջոցների դեպքում):

Հիմնադրամը փոխհատուցելի բացակայությունների ձևով աշխատակիցների հատուցումների ակնկալվող ծախսումները ճանաչում է՝

ա) կուտակվող փոխհատուցելի բացակայությունների դեպքում (օրինակ՝ տարեկան արձակուրդը)՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները ապագա փոխհատուցելի բացակայությունների նկատմամբ, և

բ) չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակությունը)՝ այն ժամանակ, երբ բացակայությունը տեղի է ունենում:

Հիմնադրամը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որը Հիմնադրամը ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք: Ընդ որում այդ հաշվարկներում ներառվում է նաև պարտադիր սոցիալական ապահովագրության վճարների մասը:

4.6. Եկամուտներ

Հիմնադրամի եկամուտները գոյանում են ժամկետային ավանդների տոկոսներից և շնորհներից:

Տոկոսային եկամուտը ճանաչվում է՝ կիրառելով արդյունքային տոկոսադրույքի մեթոդը:

4.7. Շնորհներ

Ճանաչում. Շնորհները ճանաչվում են այն դեպքում, երբ կա հիմնավորված երաշխիք, որ Հիմնադրամը կատարելու է դրան կից պայմանները և շնորհները ստացվելու են:

Չափում. Շնորհները չափվում են ստացված կամ ստացվելիք ակտիվի իրական արժեքով:

Եկամտի ճանաչում. Շնորհները Հիմնադրամում ճանաչվում են որպես եկամուտ սիստեմատիկ և ռացիոնալ հիմունքով այն ժամանակաշրջանում, որի ընթացքում նրանք փոխհատուցում են համապատասխան ծախսումները, որոնց համար ստացվել են:

Շնորհները պետք է ճանաչի հետևյալ կերպ՝

ա) շնորհը, որը չի սահմանում որոշակի ապագա պայմանների կատարում, ճանաչվում է եկամուտ, երբ շնորհի գծով մուտքերը ստացման ենթակա են:

բ) շնորհը, որը սահմանում է որոշակի ապագա պայմանների կատարում, ճանաչվում է եկամուտ միայն, երբ պայմանների կատարումը բավարարվում է:

գ) ստացված շնորհները, նախքան հասույթի ճանաչման չափանիշները բավարարելը, ճանաչվում են որպես պարտավորություն:

Ստացված շնորհները ճանաչվում են որպես եկամուտ այն ժամանակ, երբ կատարվում են շնորհի հետ կապված պայմանները՝ կատարված ծախսերին զուգընթաց:

Պարտավորության ճանաչում. Ստացված, բայց դեռևս չվաստակված շնորհները ճանաչվում են որպես պարտավորություն (հետաձգված եկամուտ) մինչև համապատասխան պայմանների կատարումը:

Պարտավորության դասակարգում. Շնորհների գծով պարտավորությունները դասակարգվում են՝

- որպես ընթացիկ, եթե ակնկալվում է, որ համապատասխան պայմանները կկատարվեն հաշվետու ամսաթվից հետո 12 ամսվա ընթացքում,
- որպես ոչ ընթացիկ, եթե պայմանների կատարումը սպասվում է ավելի ուշ ժամանակահատվածում:

4.8. Արտարժույթի փոխանակման փոխարժեքի փոփոխությունների հետևանքներ

Ֆունկցիոնալ արժույթ. Ֆունկցիոնալ արժույթը որոշելիս հիմնադրամը հաշվի է առնում ստորև նշված գործոնները՝

ա) արժույթ՝

-որը հիմնականում ազդում է ապրանքների և ծառայությունների վաճառքի գների վրա (հաճախ այն արժույթը, որով իր ապրանքների և ծառայությունների վաճառքի գները սահմանվում և հաշվարկները կատարվում են), և

-այն երկրի արժույթը, որի մրցակցային գործոններն ու կանոններն են հիմնականում որոշում իր ապրանքների և ծառայությունների վաճառքի գները:

բ) արժույթ, որը հիմնականում ազդում է ապրանքների մատակարարման կամ ծառայությունների մատուցման համար անհրաժեշտ աշխատուժի, նյութական և այլ ծախսումների վրա (նշվածը հաճախ այն արժույթն է, որով նման ծախսումները սահմանվում և կատարվում են):

Հիմնադրամի ֆունկցիոնալ արժույթը ՀՀ դրամն է:

Սկզբնական ճանաչում. Արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը:

Հաջորդող հաշվետու ժամանակաշրջանների վերջի դրությամբ տեղեկատվության ներկայացում. Յուրաքանչյուր հաշվետու ժամանակաշրջանի վերջին՝

- ա) արտարժույթով դրամային հողվածները վերահաշվարկվում են՝ կիրառելով փակման փոխարժեքը.
- բ) սկզբնական արժեքով չափվող արտարժույթով ոչ դրամային հողվածները վերահաշվարկվում (ներկայացվում) են գործառնության ամսաթվի փոխանակման փոխարժեքով և
- գ) իրական արժեքով չափվող արտարժույթով ոչ դրամային հողվածները վերահաշվարկվում (ներկայացվում) են իրական արժեքի որոշման օրվա փոխանակման փոխարժեքով:

Փոխարժեքային տարբերությունների ճանաչումը. Փոխարժեքային տարբերությունները, որոնք առաջանում են դրամային հողվածների մարման արդյունքում, կամ երբ դրամային հողվածները վերահաշվարկվում են մի փոխարժեքով, որը տարբերվում է տվյալ հաշվետու ժամանակաշրջանում դրանց սկզբնապես ճանաչման կամ նախորդ ֆինանսական հաշվետվություններում վերահաշվարկման փոխարժեքից, ճանաչվում են շահույթում կամ վնասում այն ժամանակաշրջանում, որում դրանք առաջացել են:

4.9. Շահութահարկ

Ընթացիկ հարկ. Ընթացիկ և նախորդ ժամանակաշրջանների համար ընթացիկ հարկային պարտավորությունները (ակտիվները) չափվում են այն գումարով, որն ակնկալվում է, որ կվճարվի բյուջե (կփոխհատուցվի բյուջեից)՝ կիրառելով հարկերի դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել հաշվետու ժամանակաշրջանի վերջում:

Հետաձգված հարկ. Հետաձգված հարկային ակտիվները և պարտավորությունները չափվում են հարկերի այն դրույքների օգտագործմամբ, որոնք ակնկալվում է, որ կիրառման մեջ կլինեն ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում:

Այլ տեղեկատվության բացակայության դեպքում Հիմնադրամը կիրառում է 18% դրույք՝ հարկվող ժամանակավոր տարբերությունների և օգտագործվող նվազեցվող (հանվող) ժամանակավոր տարբերությունների նկատմամբ:

Հետաձգված հարկային ակտիվները և պարտավորությունները չեն զեղչվում (դիսկոնտավորվում):

Հետաձգված հարկային ակտիվի հաշվեկշռային արժեքը յուրաքանչյուր հաշվետու ամսաթվի դրությամբ ստուգվում (վերանայվում) է: Հիմնադրամը նվազեցնում է հետաձգված հարկային ակտիվի հաշվեկշռային արժեքն այն չափով, որքանով որ այլևս հավանական չէ, որ կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել: Ցանկացած այդպիսի նվազեցում վերականգնվում է այն չափով, որքանով որ հավանական է դառնում բավարար հարկվող շահույթի ստացումը:

Եկամուտը կամ ծախս ներկայացում. Ընթացիկ և հետաձգված հարկերը պետք է ճանաչվեն որպես եկամուտ կամ ծախս և ներառվեն տվյալ ժամանակաշրջանի շահույթի կամ վնասի մեջ, բացառությամբ հարկի այն մասի, որոնք վերաբերում են այն հողվածներին, որոնք, նույն կամ տարբեր ժամանակաշրջանում, ճանաչված են՝

ա) այլ համապարփակ ֆինանսական արդյունքում՝ պետք է ճանաչվեն այլ համապարփակ ֆինանսական արդյունքում.

բ) ուղղակիորեն սեփական կապիտալում՝ պետք է ճանաչվեն ուղղակիորեն սեփական կապիտալում:

Հիմնադրամը շահույթ կամ վնասի, այլ համապարփակ ֆինանսական արդյունքի և սեփական կապիտալի հողվածները ներկայացնում է՝ հանելով համապատասխան հարկային հետևանքները:

Հաշվանցում. Հիմնադրամը ընթացիկ հարկային ակտիվները և ընթացիկ հարկային պարտավորությունները հաշվանցում է այն և միայն այն դեպքում, եթե՝

ա) ունի ճանաչված գումարները հաշվանցելու իրավաբանորեն ամրագրված իրավունք, և՛

բ) մտադիր է՝ կամ հաշվարկն իրականացնել (ակտիվը կամ պարտավորությունը մարել) զուտ հիմունքով, կամ իրացնել ակտիվը և մարել պարտավորությունը միաժամանակ:

Հիմնադրամը հետաձգված հարկային ակտիվը և հետաձգված հարկային պարտավորությունը հաշվանցում է այն և միայն այն դեպքում, եթե՝

ա) ունի իրավաբանորեն ամրագրված իրավունք հաշվանցելու հետաձգված հարկային ակտիվները հարկային պարտավորությունների դիմաց, և՛

բ) հետաձգված հարկային ակտիվը և հետաձգված հարկային պարտավորությունը վերաբերում են շահութահարկին, որը գանձվում է նույն հարկային մարմնի կողմից՝

I. նույն հարկատուից (հարկվող միավորից), կամ՝

II. տարբեր հարկատուներից, որոնք մտադիր են կամ մարել ընթացիկ հարկային պարտավորությունները և ակտիվները զուտ հիմունքով, կամ իրացնել ակտիվները և մարել պարտավորությունները միաժամանակ՝

յուրաքանչյուր ապագա ժամանակաշրջանում, որի ընթացքում ակնկալվում է հետաձգված հարկային պարտավորությունների և ակտիվների զգալի գումարների մարում կամ փոխհատուցում:

4.10. Սխալներ

Հիմնադրամը ուղղում է նախորդող ժամանակաշրջանի էական սխալները հետընթաց՝ դրանց հայտնաբերումից հետո հրապարակման համար հաստատված առաջին ֆինանսական հաշվետվությունների փաթեթում՝

ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալ, կամ

բ) եթե սխալը տեղի է ունեցել նախքան մինչև ներկայացված ամենավաղ ժամանակաշրջանը, ապա ակտիվների, պարտավորությունների և սեփական կապիտալի սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

4.11. Հաշվապահական հաշվառման գնահատումներում փոփոխություններ

Հաշվապահական հաշվառման գնահատումներում փոփոխության հետևանքը, բացառությամբ ստորև շարադրվածի, ճանաչվում է առաջընթաց՝ արտացոլվելով շահույթի կամ վնասի մեջ՝

ա) փոփոխման ժամանակաշրջանում, եթե փոփոխությունն ազդում է միայն տվյալ ժամանակաշրջանի վրա, կամ

բ) փոփոխման ժամանակաշրջանում և հետագա ժամանակաշրջաններում, եթե փոփոխությունը երկուսի վրա էլ ազդում է:

Այնքանով, որքանով հաշվապահական հաշվառման գնահատման փոփոխությունն առաջացնում է ակտիվների և պարտավորությունների փոփոխություն կամ առնչվում է սեփական կապիտալի որևէ հոդվածի հետ, այն ճանաչվում է համապատասխան ակտիվի, պարտավորության կամ սեփական կապիտալի հոդվածի հաշվեկշռային արժեքի ճշգրտման միջոցով՝ փոփոխության ժամանակաշրջանում:

Այն դեպքերում, երբ դժվար է տարբերակել հաշվապահական հաշվառման քաղաքականության փոփոխությունը հաշվապահական հաշվառման գնահատման փոփոխությունից, այն դիտվում է որպես հաշվառման գնահատման փոփոխություն՝ համապատասխան բացահայտմամբ:

4.12. Հաշվապահական հաշվառման քաղաքականությունում փոփոխություններ

Հիմնադրամը փոփոխում է հաշվապահական հաշվառման քաղաքականությունը միայն այն դեպքում, եթե այդ փոփոխությունը՝

ա) պահանջվում է ՓՄԿ-ների ՖՀՄՍ-ով, կամ

բ) հանգեցնում է ֆինանսական հաշվետվություններում Հիմնադրամի ֆինանսական վիճակի, ֆինանսական արդյունքների և դրամական հոսքերի վրա գործառնությունների, այլ դեպքերի և իրադարձությունների ազդեցության վերաբերյալ առավել արժանահավատ և տեղին (ռելևանտ) տեղեկատվության ներկայացմանը:

Եթե Հիմնադրամը հաշվապահական հաշվառման նոր քաղաքականությունը կիրառում է հետընթաց, ապա հաշվապահական հաշվառման նոր քաղաքականությունը կիրառում է նախորդող ժամանակաշրջանների համադրելի տեղեկատվության նկատմամբ՝ հետ գնալով այնքան ժամանակաշրջան, որքան քաղաքականության հետընթաց կիրառումը իրագործելի է: Հետընթաց կիրառությունը նախորդող ժամանակաշրջանի նկատմամբ իրագործելի չէ, քանի դեռ հնարավոր չէ որոշել այդ ժամանակաշրջանի ֆինանսական վիճակի մասին հաշվետվության սկզբնական և վերջնական մնացորդների կուտակային հետևանքը: Ծճգրտման հանրագումարը, որը վերաբերում է ֆինանսական հաշվետվություններում ներկայացված ժամանակաշրջաններին նախորդող ժամանակաշրջաններին, վերագրվում է ամենավաղ ժամանակաշրջանում ներկայացված սեփական կապիտալի յուրաքանչյուր ազդեցություն կրած բաղադրիչի սկզբնական մնացորդին: Սովորաբար, ճշգրտումը վերագրվում է չբաշխված շահույթին: Այնուամենայնիվ, ճշգրտումը կարող է վերագրվել սեփական կապիտալի մեկ այլ բաղադրիչի: Երբ Հիմնադրամի համար անիրագործելի է հաշվապահական հաշվառման նոր քաղաքականությունը կիրառել հետընթաց՝ բոլոր նախորդող ժամանակաշրջանների նկատմամբ նոր քաղաքականության կիրառման կուտակային հետևանքը որոշելու անկարողության պատճառով, ապա Հիմնադրամը նոր քաղաքականությունը կիրառում է առաջընթաց՝ հնարավոր ամենավաղ ժամանակաշրջանից սկսած: Այդ դեպքում Հիմնադրամը հաշվի չի առնում ակտիվների, պարտավորությունների և սեփական կապիտալի՝ մինչ այդ ամսաթիվն առաջացող կուտակային ճշգրտման բաժինը: Հաշվապահական հաշվառման քաղաքականության փոփոխություն թույլատրվում է, եթե նույնիսկ հնարավոր չէ այդ քաղաքականությունը առաջընթաց կիրառել ցանկացած նախորդող ժամանակաշրջանի համար:

4.13. Հաշվետու ժամանակաշրջանից հետո տեղի ունեցող դեպքեր

Հիմնադրամը ճշգրտում է իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցած ճշգրտող դեպքերն արտացոլելու նպատակով:
Հիմնադրամը չի ճշգրտում իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցած չճշգրտող դեպքերն արտացոլելու նպատակով:

5. Հաշվապահական կարևոր դատողությունները և գնահատման անորոշության հիմնական աղբյուրները

ՓՄԿ-ների ՖՀՄՍ-ին համապատասխան ֆինանսական հաշվետվությունների կազմումը ղեկավարությունից պահանջում է կատարել դատողություններ, գնահատումներ և ենթադրություններ, որոնք նշանակալի ազդեցություն են թողնում ֆինանսական հաշվետվություններում ճանաչված գումարների վրա: Գնահատումները և հիմքում ընկած ենթադրությունները վերանայվում են:

Ստացված շնորհները հիմնադիրների և այլ շնորհատուների կողմից դրամական միջոցների տեսքով որպես ավանդներ ճանաչվում են ոչ ընթացիկ շնորհներում մինչև հաջորդ տարեվերջը շնորհային նպատակներով օգտագործվող (ծախսվող) գումարներ: Ոչ ընթացիկ շնորհները վերադասակարգվում են ընթացիկ տվյալ տարվա բարեգործական ծրագրերի կատարման բյուջեին համապատասխան:

Ժամկետային ավանդները որպես ֆինանսական ակտիվներ չափվում են ամորտիզացված արժեքով: Տեղաբաշխումները կատարվում են դրամաշնորհային միջոցների հաշվին, դրամաշնորհի պայմանների համաձայն և սահմանված քաղաքականությամբ: Ավանդները ներդրվում են մեկ տարի ժամկետով:

Հետաձգված հարկային ակտիվը ճանաչվում է աշխատակիցների փոխհատուցելի բացակայությունների պարտավորությունների գծով հաշվարկված ժամանակավոր նվազեցվող (հանվող) տարբերություններից: Իսկ աշխատակիցների փոխհատուցելի բացակայությունների գծով պարտավորությունները գնահատվում են աշխատակիցների ամենամյա արձակուրդների տրամադրման նպատակով կուտակված օրերի հաշվարկով:

6. Ոչ նյութական ակտիվներ

| | |
|---------------------------------|------------------|
| | <i>‘000 դրամ</i> |
| Մնացորդ առ 01.01.2025թ. | 295 |
| Տարեկան ամորտիզացիա, այդ թվում՝ | (113) |
| - վարչական նշանակության | (113) |
| Մնացորդ առ 31.12.2025թ. | 182 |

7. Դրամական միջոցներ

| | | |
|-----------------------------|---------------------------------|---------------------------------|
| <i>‘000 դրամ</i> | <i>Մնացորդ 31.12.2025թ.</i> | <i>Մնացորդ 31.12.2024թ.</i> |
| Ընդամենը, այդ թվում՝ | 3,651 | 522 |
| • բանկում՝ արժույթով | 3,651 | 522 |

8. Ժամկետային ավանդներ

| | | |
|------------------|---------------------------------|---------------------------------|
| <i>‘000 դրամ</i> | <i>Մնացորդ 31.12.2025թ.</i> | <i>Մնացորդ 31.12.2024թ.</i> |
| Ընդամենը | 451,506 | 442,163 |

Ժամկետային ավանդները ամորտիզացված արժեքով չափվող ֆինանսական ակտիվներ են:
Ավանդները տեղաբաշխված են կապակցված կողմ հանդիսացող հայկական բանկում՝ ԱԿԲԱ ԲԱՆԿ ԲԲԸ-ում:

Ավանդների տեղաբաշխումը իրականացվում է դրամաշնորհային միջոցների հաշվին՝ համապատասխան շնորհների պայմաններին և Հիմնադրամի հաստատված քաղաքականությանը:

Դրամաշնորհների պայմանների համաձայն՝ ավանդները, որպես կանոն, ներդրվում են մեկ տարվա ժամկետով: Մարման ժամկետի ավարտից հետո՝ ավանդի մի մասը և ստացված տոկոսային եկամուտը օգտագործվում են շնորհների պայմաններով նախատեսված նպատակներով, իսկ մնացած մասը վերատեղաբաշխվում է նոր ժամկետային ավանդների տեսքով:

2025 թվականի ընթացքում Հիմնադրամը տեղաբաշխել է 421,000 հազար ՀՀ դրամ ժամկետային ավանդներ՝ մեկ տարվա մարման ժամկետով, որից՝ 385,000 հազար ՀՀ դրամ՝ տարեկան 9.25% տոկոսադրույքով, իսկ 36,000 հազար ՀՀ դրամ՝ տարեկան 9.5% տոկոսադրույքով:

Հաշվետու ամսաթվի դրությամբ ավանդները ժամկետանց չեն, և առկա չեն արժեզրկման օբյեկտիվ վկայություններ:

9. Կանխավճարներ դրամաշնորհների և ծառայությունների համար

| ‘000 դրամ | Մնացորդ | | | Մնացորդ 31.12.2025թ |
|-----------------------------|--------------|---------------|-----------------|------------------------|
| | 31.12.2024թ | Ավելացում | Նվազեցում | |
| Ընդամենը, այդ թվում՝ | 4,967 | 20,087 | (14,627) | 10,427 |
| - դրամաշնորհների գծով | 4,923 | 19,769 | (14,297) | 10,395 |
| - ծառայությունների գծով | 44 | 318 | (330) | 32 |

10. Սեփական կապիտալ

Սեփական կապիտալը ներկայացնում է Հիմնադրամի զուտ ակտիվները:

«Կուտակված շահույթ» հոդվածի մնացորդը 2025 թվականի դեկտեմբերի 31-ի դրությամբ կազմում է 266,984 հազար դրամ և ներառում է՝ նախորդ տարիների կուտակված շահույթը՝ 238,515 հազար դրամ, և հաշվետու տարվա զուտ շահույթը՝ 28,469 հազար դրամ:

11. Ընդհանր

| ‘000 դրամ | Մնացորդ | | | Մնացորդ 31.12.2025թ |
|-----------------------------|----------------|--------------|-----------------|------------------------|
| | 31.12.2024թ | Ավելացում | Նվազեցում | |
| Ընդամենը, այդ թվում՝ | 202,833 | 7,345 | (17,990) | 192,188 |
| - ոչ ընթացիկ շնորհներ | 183,064 | - | (7,345) | 175,719 |
| - ընթացիկ շնորհներ | 19,769 | 7,345 | (10,645) | 16,469 |

Բնույթ և հաշվառման մոտեցում. Ընդհանրը ստացվում են հիմնադիրներից և այլ շնորհատուներից, հիմնականում դրամական միջոցների տեսքով: Ստացված միջոցները, որպես կանոն, ժամանակավորապես տեղաբաշխվում են բանկային ավանդների մեջ (տես Ծանոթագրություն 8)՝ մինչև դրանց նպատակային օգտագործումը:

Հիմնադրամը, իր կառավարման մարմինների կողմից հաստատված ծրագրերի շրջանակներում, իրականացնում է դրամական փոխանցումներ նվիրառուներին՝ համապատասխան նվիրաբերության պայմանագրերով:

Նվիրառուների կողմից ծրագրերի իրականացման (ամբողջությամբ կամ մասնակի) ավարտից հետո ներկայացվում են հաշվետվություններ, որոնք հանդիսանում են հիմք՝ գնահատելու համար, թե արդյոք կատարվել են շնորհներին կից պայմանները:

Այդ պայմանների կատարման հիման վրա համապատասխան գումարները ճանաչվում են որպես եկամուտ:

Դասակարգում (ընթացիկ և ոչ ընթացիկ). Ընդհանրի գծով պարտավորությունները դասակարգվում են հետևյալ կերպ.

- ընթացիկ շնորհներ՝ այն գումարներն են, որոնք նախատեսվում է օգտագործել հաշվետու ամսաթվից հետո 12 ամսվա ընթացքում (ներառյալ՝ վարչական ծախսերը և ծրագրային վճարումները),
- ոչ ընթացիկ շնորհներ՝ այն գումարներն են, որոնց օգտագործումը նախատեսվում է ավելի ուշ ժամանակահատվածում:

Ընթացիկ շնորհների չափը որոշվում է Հոգաբարձուների խորհրդի կողմից հաստատված համապատասխան տարվա ծրագրային բյուջեի հիման վրա:

12. Դրամաշնորհներից եկամուտ և ծախս

Եկամուտներ

| | | |
|--------------------------------|---------------|--------------|
| ‘000 դրամ | 2025 | 2024 |
| Ընդամենը, այդ թվում՝ | 10,645 | 4,744 |
| • ոչ ընթացիկ շնորհներից, որից՝ | 10,645 | 4,744 |
| Ծրագրերին վերաբերող շնորհներ | 10,645 | 4,744 |

Ծախսեր

| | | |
|--|-----------------|----------------|
| ‘000 դրամ | 2025 | 2024 |
| Ընդամենը, այդ թվում՝ | (10,645) | (4,744) |
| - «Երևանի թափրոնի և կինոյի պեդագոգական ինստիտուտ» հիմնադրամ (լաբորատորիայի կահավորում) | (4,705) | - |
| - «Ինքնություն մշակութային» հիմնադրամ (հայկական մշակույթի թվայնացում) | (3,000) | - |
| - «Հայոց ցեղասպանության թանգարան» հիմնադրամ (ոադիոգրների և աուդիոգրների ձեռքբերում) | (1,620) | - |
| - «Արվեստարան կրթամշակութային» ՀԿ (գործիքների և իրերի ձեռքբերում) | (894) | (599) |
| - «Առաջադար արվեստագիտության ձեռնարկությունների միություն» ՀԿ (ինժեներական լաբորատորիայի սարքավորումների ձեռքբերում) | - | (573) |
| - «Մասփայտի միջնակարգ դպրոց» ՊՈԱԿ (դպրոցի դասասենյակի կահավորում) | (426) | (2,251) |
| - «ԿԶՀՀ» ՀԿ (դպրոցի դասասենյակների կահավորում) | - | (1,300) |

13. Վարչական ծախսեր

Վարչական ծախսերը ամբողջությամբ վարչական անձնակազմի (տնօրեն և գլխավոր հաշվապահ) կարճաժամկետ հատուցումների (աշխատավարձի) գծով է:

14. Այլ եկամուտներ և ծախսեր

| | | |
|---|--------------|--------------|
| ‘000 դրամ | 2025 | 2024 |
| Այլ եկամուտներ (ծախսեր) ընդամենը, այդ թվում՝ | (828) | (852) |
| • աուդիտորական և խորհրդատվական ծախսեր | (600) | (600) |

15. Ֆինանսական եկամուտներ

| | | |
|---|---------------|---------------|
| ‘000 դրամ | 2025 | 2024 |
| Ֆինանսական եկամուտներ ընդամենը, այդ թվում՝ | 39,169 | 39,537 |
| • կապակցված կողմերի գծով | 39,169 | 39,537 |

Ֆինանսական եկամուտները ժամկետային ավանդի գծով տոկոսային եկամուտներն են (ծանոթ. 8):

16. Շահութահարկ

| '000 դրամ | 2025 | 2024 |
|---|----------------|----------------|
| • շահույթ (վնասում) ճանաչված շահութահարկի գումար, այդ թվում՝ | (6,590) | (6,593) |
| ○ ընթացիկ հարկի գծով | (6,590) | (6,593) |
| ○ հետաձգված հարկի գծով | - | - |

'000 դրամ

Հարկի գործող միջին դրույքի և հարկի կիրառվող դրույքի թվային համադրում

| | 2025 | 2024 |
|---------------------------------------|--------|--------|
| Հարկի կիրառվող դրույք | 18% | 18% |
| Շահույթը մինչև հարկումը | 35,059 | 35,401 |
| Չնվազեցվող ծախսեր/չհարկվող եկամուտներ | 1,552 | 1,227 |
| Հարկվող շահույթը | 36,611 | 36,628 |
| Ընթացիկ հարկ | 6,590 | 6,593 |
| Հարկի գործող միջին դրույքը | 18.8% | 18.6% |

Հետաձգված հարկային ակտիվներ

'000 դրամ

(+) Հարկվող ժամանակավոր տարբերություն
(-) Նվազեցվող (հանվող) ժամանակավոր տարբերություն

| | 2025 | 2024 |
|---|-------------|-------------|
| Աշխատավարձի և այլ կարճ. հատ. գծով պարտավորություն | (16) | (16) |
| Ընդամենը | (16) | (16) |
| Հարկի դրույքը | 18% | 18% |
| Հետաձգված հարկային ակտիվ | 3 | 3 |

«Աշխատավարձի և այլ կարճաժամկետ հատուցումների գծով պարտավորություն» հոդվածում ժամանակավոր տարբերությունը առաջացել է աշխատակիցների կուտակվող փոխհատուցելի բացակայությունների գծով: Չկան որևէ նվազեցվող (հանվող) ժամանակավոր տարբերություններ, չօգտագործված հարկային վնասներ և չօգտագործված հարկային զեղչեր, որոնց համար ֆինանսական վիճակի մասին հաշվետվությունում չի ճանաչվել որևէ հետաձգված հարկային ակտիվ:

17. Ֆինանսական գործքիների կատեգորիաները

Ֆինանսական ակտիվներ

'000 դրամ

| | <i>Մնացորդ 31.12.2025թ.</i> | <i>Մնացորդ 31.12.2024թ.</i> |
|---|---------------------------------|---------------------------------|
| Ընդամենը, այդ թվում՝ | 455,157 | 442,685 |
| • ամորտիզացված արժեքով չափվող ֆինանսական ակտիվներ (ժամկետային ավանդներ) | 451,506 | 442,163 |
| • դրամական միջոցներ | 3,651 | 522 |

Ֆինանսական պարտավորություններ

'000 դրամ

| | <i>Մնացորդ 31.12.2025թ.</i> | <i>Մնացորդ 31.12.2024թ.</i> |
|-----------------|---------------------------------|---------------------------------|
| Ընդամենը | - | - |

18. Ֆինանսական ռիսկերի կառավարման նպատակները և քաղաքականությունը

Պարտքային ռիսկ. Այն բանի ռիսկն է, որ ֆինանսական գործիքի մի կողմը իր պարտականությունների չկատարմամբ մյուս կողմի համար կառաջացնի ֆինանսական կորուստ: Հիմնադրամը ենթարկվում է պարտքային ռիսկին՝ կապված ներդրումային գործունեության (ավանդներ) հետ: Պարտքերի համար ապահովություն չի պահանջվում: Պարտքային ռիսկին առավելագույն ենթարկվածությունը ֆինանսական ակտիվների հաշվեկշռային արժեքն է հաշվետու ամսաթվի դրությամբ:

Իրացվելիության ռիսկ. Այն բանի ռիսկն է, որ Հիմնադրամը դժվարություններ կունենա իր պարտականությունները կատարելիս, որոնք մարվելու են դրամական միջոց կամ այլ ֆինանսական ակտիվ տրամադրելով: Հիմնադրամը իրականացնում է դրամական միջոցների դեֆիցիտի ռիսկի նկատմամբ վերահսկողություն՝ օգտագործելով շարունակական իրացվելիությունը պլանավորելու գործիքը:

Շուկայական ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն շուկայական գների փոփոխությունների հետևանքով: Շուկայական ռիսկը ներառում է երեք տեսակի ռիսկ՝ արժույթային ռիսկ, տոկոսադրույքային ռիսկ և այլ գնային ռիսկ:

Արժույթային ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն արտարժույթի փոփոխությունների փոփոխությունների հետևանքով:

Տոկոսադրույքային ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն՝ շուկայական տոկոսադրույքների փոփոխությունների հետևանքով: Տոկոսադրույքի փոփոխությունները գլխավորապես ազդում են ներդրված ավանդների վրա՝ փոփոխելով կամ նրանց իրական արժեքը (ֆիքսված տոկոսադրույքով ֆինանսական գործիք) կամ դրանց ապագա դրամական հոսքերը (լողացող տոկոսադրույքով ֆինանսական գործիք): Ներդրված ավանդները ֆիքսված տոկոսադրույքով են:

Այլ գնային ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն շուկայական գների փոփոխությունների (բացի տոկոսադրույքային ռիսկից և արժույթային ռիսկից առաջացողներից) արդյունքում, անկախ այն բանից, թե այդ փոփոխությունները պայմանավորված են առանձին ֆինանսական գործիքին կամ դրա թողարկողին հատուկ գործոններով, թե շուկայում շրջանառվող բոլոր նմանատիպ ֆինանսական գործիքների վրա ազդող գործոններով:

Այլ գնային ռիսկերի ազդեցությունը էական չէ:

19. Կապակցված կողմերի բացահայտումներ

Կապակցված կողմերի փոխհարաբերությունների բնույթը

| Անվանումը | Բնույթը |
|-------------|---|
| Հիմնադիրներ | ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ ՓԲԸ ՓԲԸ (ներկայումս ԱԿԲԱ ԲԱՆԿ ԲԲԸ) Ֆրանսիական ԿՐԵԴԻՏ ԱԳՐԻԿՈԼ Էսէյ բանկ ԿՐԵԴԻՏ ԱԳՐԻԿՈԼ Ազգային ֆեդերացիա Սամսոն Գիշյան |

Կապակցված կողմերի հետ գործարքներ. Հաշվետու ժամանակաշրջանում Հիմնադրամը կապակցված կողմ հանդիսացող ԱԿԲԱ ԲԱՆԿ ԲԲԸ բանկում տեղաբաշխել է ֆինանսական ակտիվներ՝ ժամկետային ավանդների տեսքով, որոնք մասնավորապես բացահայտվել են ծանոթ. 8- ում:

Առանցքային կառավարչական անձնակազմին հարուցումներ. Առանցքային կառավարչական անձնակազմին կարճաժամկետ հատուցումները (աշխատավարձ) 2025թ. կազմել է 3,270 հազար դրամ և 2024թ.՝ 3,272 հազար դրամ (ծանոթ. 13): Առանցքային կառավարչական անձնակազմին այլ հատուցումներ չեն եղել:

20. Պայմանականություններ

Ապահովագրություն. ՀՀ-ում ապահովագրության ոլորտը գտնվում է զարգացման փուլում: Ներմուծվում են զարգացած երկրներում վաղուց կիրառելի ապահովագրական գործիքներ:

Քանի դեռ չի իրականացված ակտիվների ամբողջական ապահովագրություն, առկա է ռիսկ, որ որոշակի ակտիվների կորուստը կամ ոչնչացումը կարող է ունենալ բացասական ազդեցություն Հիմնադրամի ֆինանսական վիճակի և ֆինանսական արդյունքների վրա:

Դատական հայցեր. 2025թ. դեկտեմբեր 31-ի դրությամբ, ինչպես նաև, մինչև այս հաշվետվության հաստատման ամսաթիվը, Հիմնադրամի դեմ հարուցված դատական հայցեր չկան:

Երաշխիքներ. Չկան Հիմնադրամի կողմից տրամադրված և (կամ) ստացված երաշխիքներ:

21. ՓՄԿ-ների ՖՀՄՍ-ի առաջին անգամ որդեգրումը

21.1 Ընդհանուր տեղեկատվություն

Հիմնադրամը 2025 թվականի ֆինանսական հաշվետվությունները պատրաստել է ՓՄԿ-ների Ֆինանսական հաշվետվությունների միջազգային ստանդարտների (ՓՄԿ-ների ՖՀՄՍ) համաձայն առաջին անգամ:

Անցման ամսաթիվ է համարվում 2024 թվականի հունվարի 1-ը:

Մինչ այդ Հիմնադրամը ֆինանսական հաշվետվությունները պատրաստել է ամբողջական ՖՀՄՍ-ների հիմքով:

2024 թվականի համադրելի տեղեկատվությունը ճշգրտվել է ՓՄԿ-ների ՖՀՄՍ-ի պահանջներին համապատասխան:

21.2 Անցման բնույթը

ՓՄԿ-ների ՖՀՄՍ-ին անցման հիմնական ազդեցությունը պայմանավորված է ֆինանսական ակտիվների արժեզրկման հաշվառման մոտեցման փոփոխությամբ:

Ամբողջական ՖՀՄՍ-ների հաշվապահական հաշվառման հիմքով կիրառվել է ակնկալվող պարտքային կորուստների մոդելը և ճանաչվել համապատասխան պահուստ:

ՓՄԿ-ների ՖՀՄՍ-ի համաձայն, ֆինանսական ակտիվների արժեզրկումը ճանաչվում է միայն այն դեպքում, երբ առկա են արժեզրկման օբյեկտիվ վկայություններ: Քանի որ անցման ամսաթվի դրությամբ նման վկայություններ առկա չեն եղել, նախկինում ճանաչված արժեզրկման պահուստը չեղարկվել է:

Նշված ճշգրտումը հանգեցրել է նաև համապատասխան հետաձգված հարկային ակտիվի չեղարկմանը, որը նախորդ ֆինանսական հաշվետվություններում ճանաչվել էր արժեզրկման ծախսի հարկային ազդեցության արդյունքում:

21.3. Անցման ազդեցությունը սեփական կապիտալի վրա

01.01.2024 թվականի դրությամբ

| Անվանում | '000 դրամ |
|--|-----------|
| Կուտակված շահույթ (նախկին հիմքով) | 208,502 |
| Ֆինանսական ակտիվների արժեզրկման պահուստի չեղարկում | 1,470 |
| Հետաձգված հարկային ակտիվի չեղարկում | (264) |
| Կուտակված շահույթ (ՓՄԿ-ների ՖՀՄՍ) | 209,707 |

31.12.2024 թվականի դրությամբ

| Անվանում | '000 դրամ |
|---|-----------|
| Կուտակված շահույթ (նախկին հիմքով) | 237,210 |
| 01.01.2024 անցման ճշգրտում | 1,206 |
| 2024 թվականի արժեզրկման ծախսի չեղարկում | 121 |
| Հետաձգված հարկի ազդեցություն (2024) | (22) |
| Կուտակված շահույթ (ՓՄԿ-ների ՖՀՄՍ) | 238,515 |

21.4. Անցման ազդեցությունը ֆինանսական արդյունքների վրա (2024թ.)

| Անվանում | '000 դրամ |
|------------------------------|-----------|
| Չուտ շահույթ (նախկին հիմքով) | 28,709 |
| Արժեզրկման ծախսի չեղարկում | 121 |
| Հետաձգված հարկի ազդեցություն | (22) |
| Չուտ շահույթ (ՓՄԿ-ների ՖՀՄՍ) | 28,808 |

21.5. Անցման ազդեցությունը ֆինանսական վիճակի մասին հաշվետվության վրա

Անցման արդյունքում՝

- Ֆինանսական ակտիվների հաշվեկշռային արժեքը աճել է՝ արժեզրկման պահուստի չեղարկման հետևանքով,

**«Արեփան Գիշյան» բարեգործական հիմնադրամ
Ֆինանսական հաշվետվություններին կից ծանոթագրություններ**

- Միաժամանակ նվազել է հետաձգված հարկային ակտիվը, որը նախկինում ճանաչվել էր այդ պահուստի հետ կապված ժամանակավոր տարբերության հիման վրա,
- Սեփական կապիտալը (կուտակված շահույթը) աճել է՝ վերոնշյալ երկու ազդեցությունների զուտ արդյունքով:

| ‘000 դրամ | Ճշգրտված 31/12/24 | Ճշգրտված 01/01/24 | Անցման ճշգրտում | 01/01/24 |
|---|----------------------|----------------------|--------------------|----------------|
| Ակտիվ | | | | |
| Ոչ նյութական ակտիվներ | 295 | 93 | - | 93 |
| Հետաձգված հարկային ակտիվներ | 3 | 3 | (264) | 267 |
| Ընդամենը ոչ ընթացիկ ակտիվներ | 298 | 96 | (264) | 361 |
| Կանխավճարներ դրամաշնորհների և ծառայությունների համար | 4,967 | 1,950 | - | 1,950 |
| Այլ ընթացիկ հարկային ակտիվներ | 7 | 2 | - | 2 |
| Ժամկետային ավանդներ | 442,163 | 420,037 | 1,470 | 418,567 |
| Դրամական միջոցներ | 522 | 2,243 | - | 2,243 |
| Ընդամենը ընթացիկ ակտիվներ | 447,659 | 424,232 | 1,470 | 422,762 |
| Ընդամենը ակտիվներ | 447,957 | 424,328 | 1,206 | 423,123 |
| Սեփական կապիտալ և պարտավորություններ | | | | |
| Կուտակված շահույթ | 238,515 | 209,708 | 1,206 | 208,502 |
| Ընդամենը սեփական կապիտալ | 238,515 | 209,708 | 1,206 | 208,502 |
| Ոչ ընթացիկ շնորհներ | 183,064 | 194,592 | - | 194,592 |
| Ընդամենը ոչ ընթացիկ պարտավորություններ | 183,064 | 194,592 | - | 194,592 |
| Շահութահարկի գծով ընթացիկ հարկային պարտավորություն | 6,594 | 7,079 | - | 7,079 |
| Աշխատավարձի և այլ կարճ. հատուց-ի գծով պարտ- ություններ | 16 | 15 | - | 15 |
| Ընթացիկ շնորհներ | 19,769 | 12,935 | - | 12,935 |
| Ընդամենը ընթացիկ պարտավորություններ | 26,379 | 20,029 | - | 20,029 |
| Ընդամենը սեփական կապիտալ և պարտավորություններ | 447,957 | 424,328 | 1,206 | 423,123 |

21.6. Դրամական հոսքերի վրա ազդեցություն

ՓՄԿ-ների ՖՀՄՄ-ին անցումը ազդեցություն չի ունեցել դրամական հոսքերի վրա, քանի որ կատարված ճշգրտումները վերաբերում են միայն հաշվապահական գնահատումների և ճանաչման մոտեցումների փոփոխությանը:

21.7. Հաշվապահական հաշվառման քաղաքականության փոփոխության բնույթը

Անցման արդյունքում Հիմնադրամը փոփոխել է ֆինանսական ակտիվների արժեզրկման հաշվառման քաղաքականությունը՝ հրաժարվելով ակնկալվող պարտքային կորուստների մոդելից (ծանոթ. 21.2):

22. Հաշվետու ժամանակաշրջանից հետո տեղի ունեցող դեպքեր

Ճշգրտող դեպքեր կամ էական չճշգրտող դեպքեր տեղի չեն ունեցել հաշվետու ամսաթվից (31.12.2025թ) հետո մինչև վավերացման ամսաթիվը (30.04.2026թ.) ընկած ժամանակահատվածում:

23. Ֆինանսական հաշվետվությունների վավերացում

Ֆինանսական հաշվետվությունները ստորագրվել են հրապարակման համար 2026թ. ապրիլի 30-ին՝ տնօրեն Աննա Գիշանի կողմից և գլխավոր հաշվապահ Վահան Աբրահամյանի կողմից:

Տնօրեն

Գլխավոր հաշվապահ



Աննա Գիշան

Վահան Աբրահամյան